

Untitled Document

Dit is koekoek-tyd in ons kontrei en alhoewel dié voëls se roepe duidelik herkenbaar is, is dit nie altyd m

Die diderikie, meitjie en mooimeisie staan as groen koekoekes of glanskoekoekes bekend. Hulle is



Die Diederikie mannetjie

*Foto: Wikipedia*



Die diderikie wyfie

Foto: Gerrie van Vuuren

#### Diederikie

Die diderikie, *Chrysococcyx caprius*, is 17 tot 20 cm lank en weeg 22 tot 42 gram. Die mannetjie is blinkgroen met kenmerkende vlerkvlekke, rooi oë en groen sye met breë dwarsstrepe. Volwasse voëls het 'n groen kaakstreep en wit wenkbroue wat tot voor die oog strek.

Die wyfie is valer, met strepe tot op die bors en 'n dofgelerige keel. Sy kan maklik met die meitjie-wyfie verwar word, maar sy het duideliker (alhoewel minder uitgebreide) dwarsstrepe aan die sye en wit kolle op die voorvlerke.

Jong voëls het rooi snawels en kom in groen en rooibruin morfe voor.



Die meitjie mannetjie

*Foto: Wikipedia*



Die meitjie wyfie

*Foto: Wikipedia*

### Meitjie

Die meitjie, *Chrysococcyx klaas*, is 16 tot 18 cm lank en 24 tot 34 gram groot. In Engels staan die voël as die Klaas's cuckoo bekend.

Mannetjies het glansgroen boonste vere en wit ondervere met baie min merke op. Wyfies het 'n brons-bruin lyf, groenerige dekvere op die vlerke en 'n onduidelik gestreepte wit onderkant.

In vlug gesien is die mannetjie grootliks wit met donker primêre vere en wyfies lyk amper bruin. Mannetjies en wyfies het altwee 'n klein wit post-okulêre kol.



Die mooimeisie mannetjie

Foto: Wikipedia



Die mooimeisie wyfie

Foto: Wikipedia

Mooimeisie

Die mooimeisie, *Chrysococcyx cupreus*, is 21 tot 23 cm lank en weeg ongeveer 35

gram. Dié voëls het 'n kort, dun snawel en oranje-bruin oë. Die mannetjies het 'n metaalagtige groen rug en kop en geel bors- en buikvere. Hulle stertvere het wit punte.

Wyfies lyk meestal bruin van bo af met ligte groen strepe op die rug. Die bors en buikvere is wit met groen strepe.

Die mooimeisie roep 'n helder geluid wat klink soos "Hallo Ju-dy". Die diederikie se roep is 'n klaende 'diee-diee-diee-diederik' en die meitjie se roep 'n treurige 'mei-tjie' wat vyf of ses keer herhaal word.

#### Broeigashere

Diederikies parasiteer gewoonlik op die rooivink, swartkeel-geelvink, Kaapse wewer, rooikop-wewer en mossie. Die meitjie parasiteer op die bosbontrokkie, paradys- en withals-vlieëvangers, swart- en Marico-suikerbekkie, groot rooibors-suikerbekkie, bandkeel-kleinjantjie, stompstertjie, swartkeel-geelvink en rooikop-wewers.

Die mooimeisie gebruik grootliks die groenrugkwêkwêvoëls as broeigasheer, maar daar is al gesien dat selfs sneeballetjies, tiptolle, suikerbekkies, paradys-vlieëvangers en tinkinkies, sowel as baie spesies vinke en wewers, jong mooimeisies voer.